

地理全誌
前編
四



ル 2
2015
4



亞墨利加志

邨田氏藏記

1482
8.0/5
4





地理全志卷之四

亞墨利加州全志

亞墨利加為地球之西土與東土三州不相聯絡內分南北二境中祇一綫相連水道支流不一地有肥瘠物阜民繁氣候殊異特詳於左

文論

位 州內緯線自赤道南五十四度起至赤道北七十四度止經線自中華北京偏東七十五度起至偏西百五十一度止
界 州內東至大西洋西界大平洋南連南冰洋北枕北冰

廣

州內長三萬一千里廣或一万里或一百里總計之方
北境二千六百三十万里南境二千三十五万里

洋

山

質論

州內山嶺衆多北境曰塞拉尼瓦大在加利福尼落機
絡繹西偏塞拉威德馬德拉皆在墨西哥亞利俺尼在
東方南境曰安的斯綿亘西方為山之最大者巴利米
在委內瑞辣巴西等山次之州內火山凡八十六島二
十八逶迤以西在西境之間居多別為詳明於後

原

州內高原北境有加里福尼墨西哥危地馬拉南境有

隅 角

得薩瓜得羅基多布各搭至于平野廣大南境有荷里
諾哥亞馬孫巴拉他河濱北境自亞利俺尼山至落機
山其地雨時花草芬菲禽獸充斥旱時炎熱田土燥瘠
至于荒郊沙磧北境在米利堅平野之西加里福尼北
南境在拉巴拉他玻里非巴他峩尼居多
州邊海隅北境有臘不拉多新蘓格蘭佛羅里達于加
單在東加里福尼亞臘斯加在西
州內之角北境曰法威爾在連屬之南查德累在臘不
拉多之北色比在佛羅里達西南加多支在于加單東
北盧加斯在加里福尼之南威里士在白令峽之極西

嶋

北巴羅在峨屬州之極北南境曰羅克巴郎可在巴西
之東安多尼馬利在拉他之南与北非羅瓦在巴他峨
尼之南合尼在州之極南
州外島嶼北境曰北冰洋群島亞律森在峨屬西南万
古福在英屬之西新蘇格蘭新著大島在英屬之東西
印度群嶋在南北境之中南境曰發哥蘭錢府依勾在
州之極南
州外之海一名加里比海在南北境之中
州濱灣之最者北境曰巴芬蘭加斯的普地亞皆在東
北哈德孫在英屬之中勞梭索在英屬之東佛勒里達

灣海

峽

河

墨西哥堪比支閔都拉皆在南方哥西布諾敷在峨屬
西北沙羅德在英屬之西加里福尼在墨西哥之西南
境之北曰大利俺馬拉談波荷勒諾哥河口亞馬孫河
口東南曰拉不拉他河口西北曰巴拿馬瓜牙幾
州屬海峽不一北境之北東有大比在巴芬灣大西洋
之間哈德孫在哈德孫灣大西洋之間北勒利在臘不
拉多新著大島之間南有佛勒里達在佛勒里達之南
西北有白令在亞西亞亞墨利加之間南境之南有麥
折論在巴他峨尼錢府依勾島之間
州內河道紛歧其至長者北境之東曰勞梭索流入勞

湖

稜索灣南有密士失必流入墨西哥灣北有馬更些哥比明皆流入北冰洋西有哥羅拉多流入加里福尼灣南境之北有馬達勒那流入加利比海荷勒諾哥亞馬孫多干定東有方濟各拉不拉他尼等皆流大西洋州內之湖北境有蘇卑略米齊安休倫厄利安達略皆在英屬米利堅之間大熊奴湖維尼八皆在英屬尼加拉瓜在尼加拉瓜南境有低低加在玻里非馬拉該波在委內瑞拉

地氣

州內氣候互異極北嚴寒同于亞西亞之北境迤南漸溫與中國節候相等再南當赤道之下溽暑如蒸然較

地寶

之阿非利加炎威稍減且少瘴氣迤南漸覺溫和再南寒冽如北境極南近南黑道冰雪常封人畜絕跡州內寶藏甲於天下有鑽石寶玉五金水銀煤鹹等指不勝僂其所產之地另詳各出之處分摺註明

草木

州內草木昔時五穀僅有黍稷木則松柏槐于霄蔽百奇花異卉芬芳襲人迤自歐羅巴移種甘蔗葡萄橙柑加非胡椒芋薯之類無不繁碩煙葉棉花獲利尤大藥材顏料香品極多又興蠶桑之法出產雖不同而收成之日所獲倍蓰他州莫能頡頏也

物生

州內舊無牛羊馬豕貓自歐羅巴遷徙於此今則蹄角

遍地至於野禽火鷄為首次則有鳥名為無對羽毛華彩聲音宛轉鸚鵡鴻雁隨在翱翔又產異鳥在河濱林樹之間野獸有麋鹿犴熊豺狼虎豹羚羊水獺玃獠猿猴鼯鼠海驪灰鼠銀鼠貂騷無不充斥鱗介昆蟲無不蕃衍有鱷魚木勺鮪巨蛇大龜鯨魚海狗蟾蜍壁虎蛤蚧諸族其餘凶禽猛獸毒蟲惡蛇更盛於他州也

政論

州內人民統計五千萬口分為四種一曰白人皆自歐羅巴遷至有二千八百万口一曰黑奴有六百万口一曰土人有九百万口一曰雜人乃黑白人嫁娶所生有

口戶

門教

吏

七百万口

州內教門古來土民多崇異教自歐人遷至化導斯民耶蘇天主教始得通行其地

內州太古之時荒遠難稽惟自墨西哥迤南諸部訪之尚存古蹟攷其肇造之初尚近禮儀頗似亞西亞東南規制以是觀之大都州內之民自其地遷來者日漸衰微至今野番雜處風俗墮敗面色紫紅不一漁獵為業明時歐之西班牙人尋新地抵群島知有亞墨利加墨西哥等處廣大富饒率兵取之以次蠶食西南各部西班牙流市雜居鑿山開鑛以此致富葡萄牙海舶至巴

西見其土曠徙國人開墾佛英二國亦相繼尋至佛據南北英據其中荷蘭噠日之人亦來墾闢後多為大英所併由是北境英得其東與北西得其西南乾隆時米利堅人叛英僅餘北境之上嘉慶時墨西哥諸部叛西班牙葡萄牙子留王巴西國之貴人相助為理歷傳已久由是別為海西大國不屬於葡是以此時州之南北兩境惟英人據北地廣土餘皆擁地自擅不受歐羅巴約束

綱朝

州內諸國朝綱多係民牧統轄不設君位或鄉耆推薦公同選擇或數年一易或歷代相傳其屬國亦与他州

藝文

兼轄之地同至某國法制若何詳註於後

州內文學技藝大與歐羅巴同蓋自明以來西洋人遷徙開墾而居之生齒日繁薰陶漸染于是文學堪嘉技精藝巧然推米利堅為首其餘則次之

國

州內地分南北二境北曰峨羅斯屬噠國屬大英屬米利堅墨西哥南北之中曰瓜地馬拉閔都拉尼加拉瓜哥斯得里加于加單英之閔都拉斯莫斯及多地西印度島南曰新加拉那大厄瓜多委內瑞拉至阿那巴西秘魯玻里維巴拉圭巴拉他烏拉非智利巴他義尼

俄羅斯亞墨利加志

我屬地在亞墨利加西北緯線自赤道北五十四度起至七十二度止經線自中華北京偏東七十七度起至百有三度止東至大英屬西界白令海峽西南接太平洋北枕北冰洋長四千里廣三千六百里總計之方百七十里崇崖峻嶺人跡罕至港澳廻環土多不毛間有耕種

民人肥短頭大面濶鼻準如鈎各刺鼻唇嵌飾珠寶穴地而居覆以泥土每一穴人一百餘儼若村落山居者以畋濱海者以漁俗剛柔不等然馴良勤敏無獷狂之

習工作技藝平庸

至於朝綱道光五年峨跨而得之

其建部落分九省餘皆島嶼最大者亞律森總計之方三萬五千里戶口一萬內有火山吐燄不息哥的略維里斯阿彌拉港汶分歧失德加於此峨新闢一區曰新阿干日貿易日盛土產魚毛皮

噠國亞墨利加志

噠屬在北亞墨利加之東北名哥里蘭東北大西洋西南巴芬海灣大比海峽北枕北冰洋西南長四千里東北米詳廣約三千里戶口七千氣候寒時居多冬則日不出星

不隱常見冰雪暑天甚少夏則永不見夜炎燄非常歐羅
巴人有釣船百餘捕長鯨取其油骨獵得海犬剝其皮為
衣土壤磽瘠水泉洶湧草木稀少地常震動有雷不聞其
聲土人漁獵為生噀之耶穌教師來宣教化
地分南北哥里蘭內建部落南有如列安沙為首城北有
厄日民德連設總督駐劄于此土產無幾

大英亞墨利加志

大英屬地在亞墨利加之北緯線自赤道北四十五度起
至七十八度止經線自中華偏東百有三度起至偏西百
六十八度止東趾大西洋西界太平洋峩羅斯屬南連米

利堅國北至北冰洋長六千八百里廣一万里統計之方
八百五十万里其地山嶺參差環於西方餘則平坦廣大
河湖支派甚雜河曰奈爾孫勞稜索馬更些湖曰穆卑畧
伊釐休倫安達畧大熊奴湖氣候迤北嚴寒荒郊曠野冰
雪凝積其地不毛迤南稍覺溫和夏天酷熱樹木稠密毛
蟲所居商客貿易頗為繁盛或獵獸以鬻皮或漁海而得
魚或入林以伐木投河順流達於海港或造船或販鬻

居民種類不一或土人部落甚多有者生番有者漸進
教化皆漁獵為業或佛蘭西之苗裔或英吉利所徙之
人其技藝精巧仍與本國相同奉耶穌天主等教

至于朝綱北亞墨利加全土古時不通別國明時歐羅巴人探得其地自米利堅北首為佛朗西墾闢英人得米利堅地遂以兵爭北土血戰八年佛兵敗而棄之英遂收而有焉乾隆時米利堅諸部叛英惟北土用英例稅額甚輕其民未叛仍為英轄英以總督駐劄各省又有大員卿臣管理政事

地分七省一曰東加拿他河水滌洄迅流急湍不能截止即支瀚內千有餘州忽而江湖之水滙集急流抵岸白浪掀天忽而涸落數十丈令人驚駭戶口百五十萬其中佛朗西苗裔居多間有英人遷徙處此開墾荒地往往致富

其會城曰貴北城池堅固屋宇峻麗又有城曰孟的里奧港汊頗多帆檣雲集一曰西加拿他會城曰多倫多英之總督在此駐劄另有副官會議為英屬之省會英人遷處于此居多為商為農辛勤致富產銅最良甲于列邦又曰金斯敦城極鞏固火輪船在海中迅如飛駛輓轡之車相接于路一曰新蕪格蘭三面臨海僅一隅地附有不里敦島產銅鑛煤石膏富庶海魚樹木繁多戶口二十萬民皆安分會城曰哈勒法屋宇峻麗有大埔頭英火輪船過洋十日而至又兵船商船往來停泊之所英設大員駐劄衙署華煥另有副官會議一曰新不倫瑞沿海港汊深穩船

艘不虞涉淺。土壤膏腴。戶口二十一万。民不務耕。惟入林
伐木。俟春水已長。順流出港。貨得價值。沽酒行樂。日在醉
鄉。費盡而歸。仍理故業。大城邑皆沿水濱。會城曰弗勒德
敦。英有大員駐此。另有副官會議海口。曰散約翰。最大埔
頭。一曰勃遏德瓦島。為老兵移住之地。戶口六万。專事耕
種。麥穀甚饒。隣邦匱乏。往往取資於此。會城曰加羅敦。英
官駐此。別有群臣會議。一曰新著大島。戶口十万。沿海峭
壁。巖巖霧露。迷離。魚鼈相聚成數。夏時漁船如蟻。網罟蔽
于海面。土壤澤於膏腴。亦有荒郊。不事稼穡。惟種荷蘭薯
與蔬菜。而不播五穀。產蛇熊鹿狗。其狗甚馴。居民富裕。會

城曰散約翰。為大埔頭。英設大員駐劄。會議群臣。其西北
曰臘不拉多。平原荒野。天氣嚴寒。終歲積雪。專以獵皮網
魚為業。向為日耳曼之耶穌教師居處。今歸新著大嶋之
英官。又有哈德孫會土。總計之。方七百万里。生齒稀少。中
分部落。不相連屬。公會使人設立營市。以獸皮與土人貿
易。中有海灣。漁舟蟻集。得魚載往英吉利。其西沿海二島。
一名加羅德島。一名万古福島。英吉利跨而得之。為公會
地。

北冰洋羣島。氣候陰凝。土多不毛。流星北曉。時常在目。冬
臘兩月。日不見星。不隱。人畜皆蟄伏。五六兩月。長晝不見

夜

英吉利先探此地。究無裨益。土人甚稀。捕魚為糧。衣海狗皮。穴地而居。冬時晝夜燃魚油為燭。海產鯨魚。英人有鯨船百餘。冬月冰結。夏時冰釋。船遂往來海面。得鯨魚與骨。皆獲重價。得海火海豕。則取其皮油。捕鯨最險。或冰觸舟碎。或鯨掀舟沒。良可畏也。

土產銅。鋳煤。石膏。木。獸皮。鯨魚。海狗等。

米利堅合衆部志

米利堅。又名花旗。在北亞墨利加之中。緯線自赤道北二十五度起。至四十九度止。經線自中華北京偏東百有九

度起。至偏西百七十三度止。東界大西洋。西至太平洋。南連墨西哥海灣。北接大英屬地。東西七千里。南北五千里。總計之。方一千零七十萬里。戶口二千五百萬。其地東北峻嶺修亘。西則山脊高聳。斷續隱現。前後中央平坦廣大。草卉芬菲。間有沙漠之區。河流淤塞。隨在疏鑿。河湖滌洄。河之大者。曰弥梭里。呵海。呵皆流于彌士。西北河入海灣。往來舟楫最盛。加拿他南湖之外。又有湖泊衆多。氣候和正。與中華同。迤北似塞北。迤南似江浙。土壤膏腴。五穀皆宜。棉花良多。蔬菜果實皆備。烟葉極佳。樹木紛繁。橡木作船。作柱甚美。楓樹高茂。汁甘可以煎糖。樺樹尤壯觀。瞻其

皮可代瓦蓋屋作舫渡河。蠶桑亦蕃。其餘飛潛動植魚蟲鳥獸無不畢具。

東境居民技藝工作最精。造火輪車船。凡陸路通衢之地。多用錢汁冶成。四通入達。以利火輪車之行。紡織製造器具。均用水火之氣激機運動。不資人力。丹青精巧。商賈舟車輻輳往來。舉國多奉耶穌教。好講學業。遍設耶穌殿堂。刊文勸世。又有濟貧院。有孤館。瘋癲館。義學。歲支修舖衣履。造就人才。外更有授醫館。法律館。經與館。教人知醫通曉法律。博覽經典。通各國言語。近復益增知識。研究天文地理術數。設有學館。書籍富庶。人材

輩出。言語文字。与大英同。曰其地無往不利。以故歐羅巴人。流寓于此。英人居多。士農工賈各職其事。南方黑奴後裔。畫地授田。不準遷徙。土人生番。面色紅紫。漁獵劫掠。昔則種類紛繁。藩衍多部。今漸稀疎。皆處西方。不容紊越。所奉耶穌正教之外。亦有天主教。各等異端。無所禁之。

至于朝綱。不設君位。古時野番散居。無可稽考。明時大英侵州之北地。驅土番據膏腴之土。徙英人實其地。趨之如水赴壑。佛荷連瑞日。墨等國。無業游民。亦航海歸之日。漸開墾。遂成沃壤。英以大臣居守。遍置城邑。催稅

以益國用繁盛日增驟致富強乾隆中英與佛構兵連
年不解百方括餉稅額倍加米利堅人不能堪欲與太
臣相議酌斟而督征愈苛猛乾隆四十年紳耆聚公局
舉兵拒英有米人華盛頓者為英武職所向克捷時沒
其功不錄謝病歸杜門不出至是眾既叛英推之為帥
血戰八載屢蹶屢奮頓志氣不衰而英師頽喪佛朗西
又舉師渡海與頓夾攻英軍西班牙荷蘭亦勒兵勸和
英不能支遂與頓盟畫界為隣國北土屬英南土歸米
頓既定國謝兵權歸里眾堅推立為國王頓乃與眾議
曰得國而傳子孫私也牧民之任宜推有德者為之仍

各部之舊分違為部每部一正首領一副首領或數副
首領會議管理政事各部之中又推一總統領督管合
部政事均以四年為任滿亦有一年二年一易者賢則
留之復任至八年不準再留如首領任滿則推副者為
正副或不協人望則別行推揮鄉邑之長各以所推書
姓名投匭中畢則啟匭視所推獨多者立之或官吏或
庶民不拘資格退位之統領依然庶民其總統領推擇
之法與推擇各部首領全但推擇總統領皆由東部西
部不與焉凡公選公舉權不由上而由下會盟戰伐之
事外調革降則推統領為主各部皆聽命焉事必會議

而後定決支放言行每年均出示于衆如例所禁總領亦不敢犯之開部十餘年總領凡十三人初建時止十三部後歸附分析共成三十一部衆部之外已益六土一則總領所居其城餘則生齒不至定數故未進諸部之內

哥倫比乃合衆部之一土也在波多墨河濱因華盛頓建以其名為都城乾隆六十年創築河道通達街衢濶大車馬絡繹園囿新奇有議事堂飾以白堊文武衛署書院殿堂其外通國分南北西中四土其北者又名新英分六部曰緬會城奧古斯大新罕什會城公哥突涯望會城望比

釐麻薩朱色會城波士敦衆部之第三城又為大埔頭商船雲集百貨闐溢羅德島幅員最小無高山瀑布不能冰磨穀建于海濱曠地建高樓置風車藉風動輪磨穀會城波羅威頓士干尼底克會城有哈得富紐哈芬學館為諸部之最又有教啞與聾者以手指代言語諸部皆倣此焉中土分五部曰新約克繁華富庶為諸部之最海口亦以此名外通海港為通國第一埔頭會城阿比尼新日西會城特連頓濱西洼尼海口費拉地費外通海港洋船可抵城下為第二埔頭又有城比的波缺礦蒼萃特拉華會城多發馬理蘭會城阿那波里又有海口霸地磨為商賈往

米之要道南土分為六部曰勿吉尼幅員廣濶為諸部最
河渠交結東方濱海會城里是滿北加羅里那河道紛歧
烟瘴侵癘會城喇里南加羅里那會城個倫備若耳治會
城靡里治海口渣耳敦為東南大埔頭

其地舊為土番部所居米人于道光十五年買得此土
土人遂遷于西

佛勒里達在極東南隅地形如拇指斜伸入海會城達拉
哈西

其地為西班牙所據因劫米利堅貨船遂以此地償之
土番初未全服時與居民格鬥近被遷居于西

阿拉巴麻會城磨庇理為南方大埔頭西土分十四部曰
倭海呵會城戈倫堡密執安會城底特律根特機為眾部
適中之地會城法蘭富典尼西會城那實威彌斯西北大
河同名由此入海會城查基遜魯西阿安多環大河水常
泛溢海口新疴連凡上游各部洋船皆雲集於此會城巴
頓羅日音的阿那會城音的阿那波里伊理奈會城斯不
零費阿干薩會城力特落弥梭里大河全名可通海灣會
城渣法甸威士干心會城馬的孫衣呵華會城同名

本為土番所居道光十年密執安人遷徙漸成村落創
造部落炮台近年生齒日繁

得撒會城奧斯丁

其地本為墨西哥曠土。迨後生齒漸繁。國勢日增。道光九年。叛墨西哥。設官守之。至道光三十年。屬米利堅。上加利福尼。俗名金山。會城薩克滿多。又有海口。桑方西斯哥。

其地本為墨屬。道光三十年。屬米利堅。近則金銀蒼萃。諸國多來開礦。貿易頗盛。商賈雲集。

以上衆部外。西有五上。曰密尼素大。阿里顏。烏達新墨。西哥。其民未進。諸部之內。又有土番。徙至落機山下。米人禁止出外。

土產五金。水銀。鉛。煤。鹽。木。烟。棉花。最富菓穀等。

墨西哥國志

墨西哥在北亞墨利加西南。緯線自赤道北十六度起。至三十三度止。經線自中華北京偏東二十六度起。至百五十三度止。東界海灣。西距太平洋。東南至危地。馬拉。西北連米利堅。長三千八百里。廣狹不一。或二千四百里。或五百里。總計之。方二百五十萬里。戶口約七百萬。其地山嶺層巒。多有燄烟。晝夜不熄。通國之地。皆屬磽瘠。瀕海之區。勢卑。而土曠。沙磧居多。間有沃壤。殊屬寥寥。花卉。洋藍。棉花。檳榔。香樹。凡百皆備。炎熱異常。瘴癘。侵入。瘟疫流行。餘

則高原廣大氣候溫和游牧以萬億計衣食皆取給于此秋草枯白一經野燒輒數十里火山甚多地震尤烈陵谷無常時多傾陷金銀寶石不可勝數各國所用番銀大半多出于此河之大者曰來的諾湖之大者曰沙巴拉

民性矜莊分為三種一曰西班牙後裔甚為殷富服御奢靡錦衣駿馬遨遊都市一曰土人耕種為業飯餽茹草家多貧乏不飲酒者往往多壽一曰雜人白黑人嫁娶所生其語言文字稍異西班牙信奉天主教不知其非

至于朝綱國不立君在古昔已自立為國城邑壇廟宮

闕殿署靡不建造肖物形而作字有律法地有發城為千餘年之遺跡時代名字悉湮沒而不可考明時西班牙人據之遷移國人至此入山鑿礦流布雜居生齒日繁歲得番銀十餘萬以此致富乾隆時米人叛英墨亦效尤不服西班牙相拒九載為西班牙克復甫一戰又叛立部人為王道光三年廢之各部擇官司理與米理堅象部爭戰屢致撓敗故其屬土歸于米利堅而民因荒亂造乘不能自振

通國分二十一部首曰墨西哥都城同名屋宇峻麗殿堂壯觀街衢方廣平直學塾醫院設立咸備山川清秀花草

繁茂風景雅絕間有穢衢穿舍穢汗殊甚人犯之即致病
 又有海口名亞加補可昔盛今衰曰沙黎斯哥有城名瓜
 達沙拉宮殿美麗工徒所萃曰瓜那赫阿多銀礦深富地
 時猛震曰給勒打羅曰薩加德架曰濟華花曰都朗額曰
 桑盧波多塞曰布委巴拉曰華沙加曰索諾拉曰濟阿白
 曰委拉古盧斯東地之大埔頭建沙灘形勢閎敞無港澳
 海船停泊時遭風擱瘴癘侵人貿易極盛會城皆同名曰
 迷刷干有城名瓦拉多里曰卓哈回拉有城名撒的羅曰
 新良有城名蒙德勒曰連毛黎巴有城名達比加曰達巴
 斯哥有邑名哈摩薩曰下加里福尼有城名羅臘多曰達

斯加拉曰哥黎麻有城皆同名其二部為土人居處政由
 酋出土產木料藥材香卉金銀為大利

中亞墨利加志

中亞墨利加在南北相連之處緯線自赤道北七度起至
 二十二度止經線自中華北京偏東百五十度起至百六
 十四度止東至加里比安海西南界太平洋北連墨西哥
 灣長一千五百里廣或千里或二百五十里總計方五十
 万里戶口二百餘萬地形狹而長隔于兩海之間中央山
 脊高原橫以廣野火峯甚多地震尤烈又有湯泉瀑布之
 地沿海之地低淤東則平陸西則窪澤氣候互異低處酷

熱人多患瘧。高處平和。樹木暢茂。禽獸繁衍。湖河支派不一。河之大者曰烏薩馬由。三如俺湖之大者曰尼加拉瓜。左右海口最著。

居民分為三種。其一西班牙苗裔。其二土人。其三雜人。風俗言語畧與墨西哥同。貿易頗盛。技藝粗率。奉天主教。

至于朝綱。或庶黎各立官長。司理國政。或設土酋。或為英屬。以臣攝之。

通土分為九部。曰瓜地馬拉。首邑同名。往來貿易者不可勝紀。百貨駢集。曰薩瓦多。物產豐盛。首邑三維森。又有城

三迷給爾。每年設市。各部商賈至此。貿易蒼萃。曰閱都拉斯。桃心木頗盛。鑛尤富足。首邑哥麻牙卦。海口曰疴慕阿。曰尼加拉瓜。中有大湖。與部同名。島嶼相間。首邑曰良昔。盛今衰。加拉那大為通商之地。

大英米利堅二國擬將此地。疏鑿海道。東西二洋。混為一水。揚帆西行。直抵中國之東。甚屬便捷。

曰哥斯德里加。銀鑛昂貴。貿易頗盛。首邑曰三若西。曰非得拉。土地形窄小。商舶亦盛。首邑曰三薩瓦多。

以上六土。初屬西班牙。後與墨西哥叛。遂合于墨西哥國。至墨西哥廢王時。道光四年。乃自立。總名中亞墨利

加合衆部黎庶各官立長司理國政

其東北有三部曰于加單首城曰美里達海口曰堪比支其地本墨西哥之屬今則自為治理曰英之閩都拉斯首邑曰百里斯花卉鮮艷藍靛極多林木堅美英人入山伐之運于列邦英設大官駐劄司理政事曰莫斯及多地土酋自立為王賴英保護土產金銀珠寶香品木料等

西印度群島志

西印度群島在南北亞墨利加之間由佛羅里達東北外環東南至委內瑞拉濱地居熱道之中氣候極熱海風可解火峯時迸裂地常震動暴風時驟樹物飄揚人屋俱患

至于朝綱不設君位明時西班牙遣可倫波駕船尋亞西亞之印度望見群島以為抵印度遂名之曰西印度于是擇腴壤設埔頭市黑奴墾田播種農務漸興既而歐羅巴諸國接踵而來紛然爭奪各據群島西英佛荷噠瑞典又有土酋自為主者至道光十五年英氏釋屬土之奴以銀千萬而贖其主自此英隨地奴僕俱無居民有三種一曰白人一曰黑人一曰雜人

通島分四群大安的列小安的列巴哈馬百慕大其大安的列者一曰海地總計之十方方里戶口六十万沿海巉巖峭壁山嶺綿亘餘則平原坦廣河湖極多而小

明時西班牙據其東佛朗西據其西市黑奴以供耕作
年久繁衍佛侍黑人寡恩黑人於乾隆五十六年殺其
主以叛黑人自立一牧為國會城曰波德隣比其東西
班牙人亦逃竄黑人亦推擇豪強者為官以理其事會
城曰三多明各今二部時有戰爭

一曰古巴南北百八十里東西二千五百里總計之方十
四萬五千里戶口九十万群島之最大者峯巒層疊河湖
交錯滌油其地賴以灌溉土脉膏腴物產豐饒所製之煙
極香烈諸國爭購之

鬻奴于此甚多明時西班牙據之治得墨西哥秘魯無

暇治理遂為群盜所據西班牙人昔時視群島如敝屣
近來藩國皆叛幸存此島珍重倍護倚為外府焉會城
曰哈瓦那

一曰波德里各島總計之十三万方里戶口六万山嶺綿
亘地雖不廣物產極豐耕作皆白人黑奴稀少亦為西班
牙屬首邑名桑若漢

一曰牙賣加島總計之一方八千方里戶口三十八万峰
巒聳翠溪間縱橫灌溉有資田上膏腴農功最盛地震凶
列

按此島舊屬西班牙明末英人據之設大臣駐劄攝理

政事

首邑曰西班牙敦海口曰京敦為大埔頭貿易紛繁土產五金晶石煙糖藥材青黛木料棉菓

小安的烈羣島其屬大英者二十有二其大者曰特尼答方六千七百里戶口六万首邑名波德西班牙曰多巴峩島方四百里戶口一万三千曰盧西亞方九百里戶口二万三千曰加拉拿大方五百里戶口二万八千曰聞森方四百里戶口二万七千曰巴巴多方五百五十里人民十二万郡為比日登英設大臣副員鄉官于此資理六島曰散給方二百餘里人民二万三千邑名巴斯的曰多米尼

加島方九百里人民二万二千有邑名綠索曰安地卦方三百五十里人民三万六千有邑名散約翰此外小島如蒙撒拉尼惟統歸安地卦大臣管轄兼有鄉官治理又撥兵戍守建邑造屋商賈紛繁貿易稱盛威森小島人民一万統歸散吉屬于荷蘭七島方共二千五百里人民一万八千田土肥饒物產豐盈貿易臻盛百貨駢集屬于瑞典者巴多羅謬島方一百里人民一万五千林木極佳泊舟最穩貨物往來者甚少屬于噶國者有三島方六百七十里人民四万五千首曰三古盧斯土壤肥沃物產繁滋

屬于佛朗西者其最大者馬的尼方一千里人民十二萬
曰瓜達鹿數島方二千里人民十二萬八千山清水秀異
鳥奇花不可名狀風景美麗為群嶋之最物產豐盈貿易
極盛

百慕大群島在巴哈麻東北方七十里人民一萬大小凡
數百島中有散若爾島為大英所轄設有大臣副員鄉官
駐劄

巴哈麻群島在古巴之北方一萬五千里人民二萬六千
大小數百餘島最要者曰新不路威敦為大英統攝設大
臣轄理百事首邑曰那掃天氣清和物產稀少英是以亦

不甚重也

新加拉那大國志

新加拉那大在南亞墨利加西北緯線自赤道南二度起
至赤道北十二度止經線自中華北京偏東百六十三度
起至百七十三度止東至委內瑞拉西枕太平洋南界厄
瓜多北連加比利海長三千三百里廣一千八百里總計
之方一百二十万里人民百五十萬其地海濱山嶺重疊
南北並列火峯時吐煙燄東方平原坦廣樹木稀少雨則
滋牧暢遂河之流支不一曰馬達勒那荷黎諾哥氣候迥
殊沿海酷熱腹地溫和

居民二類一為西班牙裔流寓好博耽安傾家不悔男女衣素伉儷最篤防閑婦女甚嚴一為土番性悍獷而淫狠技藝粗率貿易平常奉天主教

至于朝綱不設君位眾推官長司理政事明時西班牙可倫波尋覓新地先得斯土及厄瓜多委內瑞辣二處設總督駐劄嘉慶十五年部人逐西班牙守吏相持八載至二十三年西班牙不能克復此土及厄委二部遂併立為哥倫比國道光十年仍分為三各自古據不相統屬

通國分五部曰根的那馬加都城名波哥大建于高原一

水滌洄有橋可濟其洞天生曰膏加有城波巴也曰馬達里那首邑加大其那為海口也近有火山吐酸水醬迸流地有陰氣人觸之即斃曰波牙價首邑吞查曰義斯麻首邑曰巴拿馬為西方埔頭又有查機利為東方埔頭以一綫地界之濶僅百里

英米之人今將此地疏鑿海道船可通西東二洋揚帆西行直抵中國之東甚屬便捷又開旱路以火輪車可逐通其聞

土產五金水銀珠寶加非糖靛餅等物

厄瓜多國志

厄瓜多在南亞墨利加西北緯線自赤道南五度起至赤道北一度止經線自中華北京偏東百六十二度起至百七十四度止東至巴西南界秘魯西連太平洋北接新加拉那大長一千里廣二千三百里方百有八万里人民約五十万其外土人不能核數其地之西岡嶺重叠絡繹不絕火山羅列餘則高原曠野林稠草茂氣候温和惟狂風迅烈霜霧迷濛過客經隘口遇之即斃河道不一為亞馬孫河支派

風俗教門民情國政大略与新加拉那大相同昔有大國名音加斯明時為西班牙所敗至今古跡甚多如有

行路可通軍馬建于山谷高原盤石鑿臺河上有懸橋飛空橫駕山崖砍梯登以其邊又有深壑滿塞堅石天下之工莫大于此

地分三部曰厄瓜多首邑曰基多建山谷中地當赤道天氣和暖草木常青地震頻仍時有覆壓之虞通商之地義巴拉疴大瓦拉曰瓜亞基首邑同名為埔頭也曰阿索也首邑曰貫薩又有邑曰羅沙樹林稠密西醫士賴其皮可療瘧疾焉海中二千里有加拉巴哥羣島火山時吐時熄其地魚鱉蕃衍土產五金鹽煤木香藥材等

委內瑞拉國志

委內瑞拉在南亞墨利加北緯線自赤道北二度起至十二度止經線自中華北京偏東百七十一度起至偏西百七十四度止東至英之歪阿那西連新加拉那大南界巴西北枕加利比海長二千三百里廣二千一百里總計之方一百四十万里戶口六十万其地迤東南西北海濱三方山嶺錯雜餘皆廣野勢甚低淤潦時泛濫雨後百卉俱茁欣欣向榮游牧紛繁樹林罕見惟有希樹曰牛樹刺之汁流如乳民便于飲旱時一帶荒沙湖河不一湖曰瓦稜薩島嶼美麗曰馬拉該波河曰疴黎諾哥支派橫帶氣候殊異北濱炎熱南土溫和土田膾厚物產極豐禽獸充斥

鱗介蕃衍

風俗居民教門政事與新加拉那大無異

地分十三部曰加拉架都城全名建山谷中地常震動時有覆壓之虞海口名拉瓜拉曰馬拉該波曰哥羅曰巴及西米多曰都西羅曰美黎達曰瓦黎那曰巴塞羅那曰古麻那會城皆同名曰瓜斯那會城名安疴都拉貿易薈萃曰馬加黎大會城名阿森森曰亞不勒會城名阿查瓜曰加拉波會城名瓦稜薩土產五金葯材木料靛膠糖煙棉牲畜海牛鱷魚大蛇發電氣鱈等

歪阿那志

孟阿那在南亞墨利加之北緯線自赤道北二度起至八
度止經線自中華北京偏西百六十九度起至百七十七
度正東南界巴西西連委內瑞拉北至大西洋長二千里
廣二千八百里統計之方四十五万里戶口二十二万土
番不能偏核也大河環繞滌泗曰白比斯的密拉愛斯及
波馬羅尼

其地山石上鑄花字其時其人俱不可知意必上古之
民所刻也

至于朝綱通地属于佛荷英各設官駐劄英亦有鄉官
會議政事嘉慶時通地英取而有之後眾國會議東西

二都再歸佛荷

其東土曰佛歪阿那地力荒蕪人烟寥落叢林密箐瘴氣
最毒佛嘗屢次遷徙其地欲導土人奈入其地者輒染病
而死泊所穩便商旅往來者殊寡都城曰加夜那曰荷歪
阿那在水澤之中林內多逃遁黑奴与土番結為黨援藉
滋事端泊所寬廣都城曰巴拉馬利波曰英歪阿那為最
沿河塗泥淤塞瘴癘侵人估客雲集貿易頗盛內則高原
田土肥沃草木花卉爭妍競茂氣候濕熱都城曰若日登
土產白糖加非棉花香料葦菴胡椒藥材等

巴西國志

巴西在南亞墨利加之東緯線自赤道北四度起至赤道南三十度止經線自中華北京偏西百五十一度起至偏東百七十二度止東趾大西洋西界新加拉那大秘魯玻利非烏拉乖等北連大西洋歪阿那長八千七百里廣八千里總計之方八百五十万里戶口六百万其地西与北勢卑下而地甚廣草木稠密東与南岡陵紛錯高原坦濶江河支派橫流最大者曰亞馬孫口門似海多干丁方濟各巴拉水溢平地水退地露樹林茂盛湖泊甚多氣候不一高處温和濱海低處酷熱人多壽考亦鮮疾病田土肥饒地利厚甚百穀皆宜農作不力已墾之土不過十之三

四餘則蓬蒿雜運林莽陰翳奇形之獸不知名之鳥怪異之蟲蛇飛走出沒於林之間晝寂夜喧

居民種類曰葡人雜人黑人多自阿非利加掠至葡官背約不之禁技藝平庸貿易日盛所奉天主教

至于朝綱設有君位古為土番無君長書藉亦無衣冠或散或聚靡有定所喜啖人肉後稍歸化頗知人理明時葡萄牙人探得其地徙國人闢而居之後為荷蘭奪取占據五十餘年為葡萄牙驅逐培植稼穡市阿非黑奴用之相傳二百餘年遂為海西大部嘉慶間葡萄牙王冊立其子為巴西王國之貴人相助為理由是別為

海西大國不屬于葡萄牙

地分十九部其濱海者十五曰來約熱內盧會城全名本國之京都也官殿巍峩街市富麗學塾醫院畢備百貨駢臻海口廣濶風景清美商旅羨為樂土船舶蟻集為大埔頭曰巴希亞曰馬拉旱地多雨產鑽石曰巴拉曰伯能不各曰三寶羅曰塞勒其具曰阿拉荷瓦曰巴拉希巴曰西拉會城全名曰加達里納會城名德斯德羅曰斯比黎多會城名維多里曰北哥蘭會城名那達曰南哥蘭會城名阿里幾曰標意會城名荷臘斯其內地者四曰若西會城名巴拉曰各老所會城名比拉曰哥牙斯會城名波阿曰

其來會城名列加其通商衝繁之地曰來約熱內盧巴希亞馬拉旱巴拉伯能不各其外數島大者曰若安尼土產棉煙香水皮葯材又產鍬金沙寶石鑽石甚富膠樹油靛鹽

秘魯國志

秘魯在南亞利墨加之西緯線自赤道南四度起至二十一度止經線自中華北京偏東百六十二度起至百七十六度止東界巴西玻里非西南距太平洋北連厄瓜多長五千餘里迤北廣二千里迤南三百里總計之方一百七十七方里戶口一百五十萬其地西方山嶺峻絕冰雪凝積

人獸上過覺氣最稀中者輒死山之西浮沙浸海總屬不
毛終歲無雨山之東平原寬廣霖雨不止河資灌溉樹木
叢密透迤至未悉之區氣候互異山谷平和沿海燥熱嶺
上寒冽平陸溫濕地震尤烈常有迸裂無遺者田土少有
肥饒農事多荒恒苦饑饉

居民分二類一曰土人一曰雜人溫謏可親耽逸樂好
博奕事皆倩他國人代為之技藝平庸貿易蕭條奉天
主教

至于朝綱不設君位庶民自立官長宰理國政按國舊
与玻厄合為一國土民所建明時西班牙既得可倫比

聞秘魯寶藏甚富是以不憚心力不顧險阻冒危忍飢
孤軍深入而據之由是群來攻鑛生齒日繁設立總督
駐劄鑄金銀益國用嘉慶十三年西班牙屬國多叛秘
魯欲叛畏其強猶豫不決道光元年与智利合兵逐西
班牙守土之史自立為國不歸統屬推擇長官理事然
恒作亂

通國分為七部北曰利馬都城同名建于理馬各河濱周
三十餘里街衢方直屋宇宏敞殿堂宮室峻麗華美惟地
震頻仍時興時敗又有城加勞為海口也曰入寧會城名
花奴谷有城曰巴斯哥銀鑛最富曰利卑達會城都西羅

有城曰加薩馬加。于此土君被西所擒戮。南曰阿勒基巴。火山高二千丈。海口牙利加。曰不諾古斯各。會城皆全名。曰阿牙古說。會城名花忙牙。以土數土。皆為通商之地。土產金銀。水銀。最富。胡椒。糖。棉。藥。膠。香。顏料。

玻里非國志

玻里非在亞墨利加之中。緯線自赤道南九度起。至二十六度止。經線自中華北京偏東百七十四度起。至偏西百七十三度止。東北至巴西。西連秘魯。太平洋南界拉巴拉他。長二千五百里。廣一千七百里。總計之方百三十五万里。戶口一百万。其地東方峭壁參天。冰雪凝積。其西方崇

山峻嶺。火峰不熄。間有高原曠遠。曰得薩瓜得羅。山東漸斜。于長野草木稠密。河流足資灌溉。其西濱海一帶。沙土居多。人艱于行。河湖不一。河之大者。曰亞馬孫。曰巴拉他。水汜橫流。湖之大者。曰低低加加。島嶼甚多。高于海面。一千三百丈。曰奧拉牙。有羊能載物如馬。其毛甚細。堪織為衣。肉亦可食。有鳥似火形。其狀甚巨。高翔空際。

居民數種。氣候風俗。教門。同于秘魯。

至于朝綱。不設君位。按國舊與秘魯為一國。道光三年。乃分為二。別立玻里非亞國。自立官長。同理政事。

部分為五。曰朱基沙加。都城全名。建于高原。曰拉巴斯。曰

波多西近有名山產銀甚夥各處疏鑿其城殿堂屋宇至今猶存之曰哥沙邦巴首城皆同名曰古盧斯首城曰路零索土產五金惟銀尤富皮毛胡樹糖葯膠香顏料等

巴拉圭國志

巴拉圭在南亞墨利加之中緯線自赤道南二十度起至二十七度半止經線自中華北京偏西百七十一度起至百七十五度止東北至巴西西南界拉巴拉他長一千七百里廣六百里總計之方二十七万里戶口二十五万其地岡陵稀少平原坦廣拉巴拉他河支派今岐環流三面商船往來悉從此道雨時湖河漲溢積久不消水退土淤

多成沃壤氣候溫和樹木叢茂禽獸蕃衍

居民有三種一西班牙裔一土人一黑人技藝粗率貿易蕭條奉天主教

易蕭條奉天主教

至于朝綱酋長統攝明時以大利開墾此土後為西班牙所據不立官長以天主教師統轄之乾隆三十二年逐教師附拉巴拉他迨西班牙舊轄皆叛時此地亦自立焉適值西洋文士居于此眾推之為長陰鷲有權畧詰暴除邪土人惕服國雖小而甚強鄰境不敢侵

地分八部首曰阿松桑都城同名乃京都也公塞桑三的牙荷維拉列加古魯圭的干德拉畧非難多黑曼其達昔

盛今衰。土產穀、菓、靛、煙、棉、密、蠟、茶。

烏拉乖國志

烏拉乖在南亞墨利加東。緯線自赤道南三十度起至三十五度止。經線自中華北京偏西百六十九度起至百七十四度止。東南至大西洋。西界拉巴拉他。北接巴西。長廣均一千一百里。總計之方二十五万里。戶口十二万。其地南方山阜絡繹。北方平原坦廣。河道縱橫。田土肥沃。氣候和平。

居民多愚。不知學文。技藝平庸。貿易蕭條。專事游牧。奉天主教。

至于朝綱。庶民自立官長。司理政事。按國舊為拉巴拉他地。後為巴西所奪。立為一部。道光七年。部人叛巴西。自立為國。擇官司理。近為把巴拉他時來攻伐。幸大英佛朗西兵船保護。又有噠國之兵克敵平定。

地分九部。曰蒙德維的。乃京都也。又曰馬多那多。曰加內羅。曰桑若塞。曰哥羅尼。曰索尼亞奴。曰皇都。曰都拉各奴。土產豐饒。禽獸鱗介充斥。

拉巴拉他國志

拉巴拉他。在南亞墨利加之南。緯線自赤道南二十二度起至四十一度止。經線自中華北京偏東百七十四度起

至偏西百六十九度止東界巴拉圭烏拉圭大西洋西至智利南接巴他峇尼北連玻里非長四千五百里廣約一千七百里總計之方三百万里戶口稀少大約百万其地西北山嶺重疊絡繹參差其餘寥濶平坦雨澤既降花卉鮮艷游牧甚多亢陽之際荆棘叢生草莽蕪雜沙磧無垠冬則水勢汪洋夏則白鹽遍地河之大者曰巴拉他支派尼鄂哥羅拉多依時河水泛濫淤湖甚廣其後常旱均為大害氣候不一温和居多平原濕熱嶺上嚴寒冰雹淋漓狂風驟至黑瘴黃霾

居民二種一土人一西班牙苗裔不重農務好歌舞博

奕騎射善捕牲畜以万億計售皮角為生其地亦出茶葉飲之者醉而不醒技藝平庸貿易殊盛通商甚廣奉天主教

至于朝綱不設君位眾推長官司理國政按國舊為野番部落明時西班牙據之設總督駐劄嘉慶十三年西班牙藩屬多不受節制此地亦逐守土吏自立為國倣米利堅之制兼攝合眾然法度不立規模草創總領擅權黎民勞苦与米利堅大異焉近有一軍檀權立兵四方相戰使民作亂國人借兵於鄰國敵敗逃于英國地分十四部首曰不空塞利會城同名建于河濱城池堅

固街衢濶直。衙署華煥。宮室峻麗。天主堂義塾。演武廳。以及各館。無不備具。為天下至方至直之區。河面廣九十里。通海口。為西洋大埔頭。曰音德里約。首城巴沙大。曰哥連德。曰三非。曰哥多瓦。曰三的牙哥。曰都古曼。曰薩達。曰加達馬架。曰里約倭。曰桑若安。曰桑盧義。曰門多薩。首城皆同名。曰味西桑。首城名哥路斯。土產穀果。金石。角皮。鱗介。馬牛羊。不可勝數。

智利國志

智利在南亞墨利加西南。緯線自赤道南二十五度起。至四十二度止。經線自中華北京偏東百七十二度起。至百

七十四度止。東隣拉巴拉他。西南距太平洋。北至玻里非亞。長三千五百里。廣四百里。總計之方五十七万里。戶口百五十萬。其地東方高嶺參天。冰雪凝積。雪消若河支派。分流餘時。惟三四河。終歲長流。火峯不一。地震頻仍。視為常事。震時。鳴鑼俾眾遷居。後則仍歸故土。內地平原廣闊。邱陵稀疎。氣候溫和。北方雨澤稀少。樹木蕭疎。南方卑濕。樹林茂盛。土田膏腴。穀果皆備。

居民二種。一西班牙裔。在北。與中土人居。其南。游牧為最。攻鑛務農。好接旅客。其女專事作樂。彈琴。容儀風雅。技藝粗率。貿易極盛。通商甚廣。奉天主教。

至于朝綱不設君位庶民自立官長司理國政按國初
与秘魯同一君迨西班牙據秘魯進攻智利土人拒不
肯降越四載復攻得地無幾附于秘魯乾隆三十八年
西班牙初滅智利得全土惟阿老十一部未附嘉慶十
五年諸藩屬皆叛西班牙智利欲擁土自擅度力不支
求援於拉巴拉他助以兵力始得自立

地分八部曰三的牙荷都城同名建于岸街衢方直屋宇
峻麗宮闕殿堂極為華美洵一時之鉅觀也海口有瓦巴
勒索為西方之大埔頭商賈薈萃于此鬻獸皮五金穀果
曰阿公加瓜首城曰非利比曰哥今波首城同名曰哥乍

瓜首城非難多曰拜勒首城離京曰公塞桑首城同名瓦
的維首城同名曰濟盧哀其餘海島港汊甚多土產麵麻
金石惟銅最富牲畜蕃息

巴他峩尼志

巴他峩尼南亞墨利加極南緯線自赤道南三十九度起
至四十四度止經線自中華北京偏西百七十八度起至
偏東百六十八度止東距大西洋西界太平洋南至南冰
洋北連拉巴拉他長三千五百里廣八百里其地西方山
巒重叠聯絡不斷火峯甚多吐燄不熄樹林周密餘皆平
原曠野沙磧荒蕪氣候嚴寒別無物產

人皆野番。身高力大。無衣無褐。不冠不履。畋獵為食。居無常處。不成部落。亦不與他國往來。

其極南臨海之地。冰雪常凝。對峙數島。大者曰鏡府。依勾中有一峽。曰麥折倫。昔時商船往西行。多由麥折倫峽。近因峽內多礁。率取道於南方山嶺險峻。狂風迅烈。霧露迷離。雨雪時行。波濤猛惡。舟過人皆野番。為天下之最愚者。島中時見火漿。逆流罕有人至。不知其詳。其西有小島。不可勝數。東有二島。曰發哥蘭。英人據之。設官駐劄。草木叢密。多為游牧之地。牲畜蕃庶。首城曰波盧義斯埔頭。最盛。舟過州南。即進此道。土產無幾。地理全志卷之四終。

